

Broj: 101-19.872/17 HH 
Zenica, 28.12.2017. godine

Na osnovu člana 69. stav 2, tačka d, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-19.870-1/17 HH od 28.12.2017. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku čelika za armirano betonske konstrukcije (građevinsko željezo) i čeličnih valjanih profila

I

Poništava se postupak javne nabavke roba za nabavku čelika za armirano betonske konstrukcije (građevinsko željezo) i čeličnih valjanih profila, iz razloga što dostavljene ponude nisu prihvatljive za Ugovorni organ - član 69. stav 2, tačka d, Zakona o javnim nabavkama BiH.

II

Za izvršenje ove odluke zadužuje se Komisija za nabavke.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

IV

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-18.376/17 HK od 04.12.2017. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 49.200,00KM.

Dana 05.12.2017. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-751-3-72/17, objavljena je i tenderska dokumentacija.

Poziv za preuzimanje tenderske dokumentacije broj: 713-18.376-2/17 HK od 05.12.2017.godine upućen je sljedećim ponuđačima:

1. TREASURE d.o.o. Zenica,
2. FERHEM d.o.o. Lukavac,
3. FERRO-INVEST d.o.o. Zenica.

Na osnovu Izvještaja o preuzimanju tenderske dokumentacije od strane ponuđača od 27.12.2017. godine u 13:48 sati, utvrđeno je da su sljedeći ponuđači preuzeli tendersku dokumentaciju:

1. ekipija d.o.o.,
2. BBS Europe,
3. EURO-METALI d.o.o.,
4. „ALI & VIS“,
5. TREASURE d.o.o. Zenica,
6. FERHEM d.o.o. Lukavac,
7. FERRO-INVEST d.o.o. Zenica.

Komisija za nabavku imenovana je Odlukom broj:101-9.366 /17 MS od 15.06.2017. godine.

Komisija za nabavku je dana 28.12.2017. godine direktoru preduzeća dostavila Zapisnik o ocjeni ponuda broj: 716-19.871/17 HH od 28.12.2017. godine sa preporukom o poništenju postupka za nabavku roba broj:716-19.870-1/17 HH od 28.12.2017. godine, u postupku javne nabavke roba za nabavku čelika za armirano betonske konstrukcije (građevinsko željezo) i čeličnih valjanih profila.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojim je utvrđeno sljedeće:

- da je ukupan broj pristiglih ponuda 3 (tri),

- da su blagovremeno zaprimljene 3 (tri) ponude i to:

1. FERRO-INVEST d.o.o. Zenica, vrijednost ponude u iznosu od 47.591,45KM, bez PDV-a.

2. FERHEM d.o.o. Lukavac, vrijednost ponude u iznosu od 50.662,28KM, bez PDV-a.

3. TREASURE d.o.o. Zenica, vrijednost ponude u iznosu od 53.263,60KM, bez PDV-a

- da nema neblagovremeno zaprimljenih ponuda,

- ukupno preuzeto tenderske dokumentacije od strane ponuđača sa Portala javnih nabavki 7 (sedam).

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriteriju iz tenderske dokumentacije.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Polazeći od gore navedenih konstatacija, a shodno odredbama Zakona i opštim aktima ugovornog organa Komisija je ocjenila da:

U ponudi ponuđača FERRO INVEST d.o.o. Zenica, ponuđač nije uvezao ponudu u skladu sa tenderskom dokumentacijom, tačka 4.2. (Sadržaj ponude i Izjavu (član 52. stav 2 Zakona)).

Također, isti nije dostavio Izjavu iz tačke 2. c) (Uslovi za učešće i potrebni dokazi) tenderske dokumentacije da prihvata opšte uslove nabavke koji su dati u tački 1 tenderske dokumentacije.

Obzirom na naprijed navedeno ponuda navedenog ponuđača se odbija kao formalno pravno nezadovoljavajuća na osnovu člana 68. stav 4. tačka (i) Zakona o javnim nabavkama.

Ponuđač FERHEM d.o.o. Lukavac je dostavio ponudu u vrijednosti od 50.662,28KM, bez PDV-a, koja prelazi procijenjenu vrijednost Odluke od 49.200,00KM, bez PDV-a za predmetnu nabavku.

Također, isti nije dostavio Izjavu iz tačke 2. c) (Uslovi za učešće i potrebni dokazi) tenderske dokumentacije da prihvata opšte uslove nabavke koji su dati u tački 1 tenderske dokumentacije.

Obzirom na naprijed navedeno ponuda navedenog ponuđača se odbija kao formalno pravno nezadovoljavajuća na osnovu člana 68. stav 4. tačka (i) i (j) Zakona o javnim nabavkama.

Ponuđač TREASURE d.o.o. Zenica je dostavio ponudu u vrijednosti od 53.263,60KM, bez PDV-a, koja prelazi procijenjenu vrijednost Odluke od 49.200,00KM, bez PDV-a za predmetnu nabavku

Iz predhodno navedenih razloga ponuda ponuđača TREASURE d.o.o. Zenica, se odbija na osnovu člana 68. stav 4, tačke (j), Zakona o javnim nabavkama BiH.

Shodno prethodno navedenom, Komisija je dala Preporuku da se poništi postupak za nabavku čelika za armirano betonske konstrukcije (građevinsko željezo) i čeličnih valjanih profila, jer nije primljena nijedna prihvatljiva ponuda za Ugovorni organ.

Iz navedenih razloga, primjenom člana 69. stav 2. tačka d. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DOSTAVLJENO:

1 x Direktor preduzeća

1 x Pom.dir.za ekon. i prav. posl.

1 x Pom.dir.za tehn.posl.

1 x Komercijalna služba

1 x Upravnik operative / Radionica

3 x Članovima Komisije

1 x Sekretar Komisije

1 x a/a



Direktor
Pašalić Emir
Pašalić Emir, dipl.ing.građ